


土岐文庫
文庫17
W98
3



15

20

25

文庫 17
W98
3

01018 5193859

昭和六十年二月一日
土岐孝吉唐氏寄贈

明詩別裁集卷五

沈德潛確士

長洲

周準欽萊同輯



司藏書

邊

貢字廷實歷城人先治丙辰進士歷官至南京戶部尚書華泉邊幅較狹而風人遺韻故自不之李何邊徐並名有以也

再送王文熙

夜久河漢橫春堂別燈黯風淒鳥初動露
重花猶斂明發不在茲重關為誰掩

明詩別裁集卷五

贈尚子

意氣憑陵一當百。關西儒生五陵客。少年
學書復學劍。老大蹉跎雙鬢白。門下諸生
半。賜麻。聞中小。婦。猶炊麥布衣。東來謁天
子。春日醉卧長安陌。陌頭花絮少紛。紛。瓊
閣如天隔。紫雲浩歌翩然却歸去。眼底誰
是平原君。

送馬敬湖赴河南提學

征馬帶落日。出門君已遙。層城不隔夢。夜
夜蘆溝橋。蘆溝橋邊車簇簇。故人都在城
南。誰令相見轉多情。翻恨遲行不如速。
江漢風煙遲早春。關山雨雪暗邊塵。臨岐
莫動殊方感。余亦東西南北人。

運夫謠送方文玉督運

運船戶來何暮。江上早風多春濤。不可渡
裏河有閘外有灘。斷篙折纜腰環環。夜防

賦日防漏糧冊分明算升斗官家但恨倉
廩貧不知淮南人食人官家但知征戍苦
力盡誰憐運船戶爾勿哀司農使者天邊
來

出郭將訪希準郡伯薄暮而返却

寄

駕言江口出却至水西還遠道空回首重
門欲上關斷雲低白雁斜日近青山欲探

瑤華贈仙舟不可攀

留別張西盤大叅

滿酌豈辭醉未行先憶君山城稀見菊關
樹不開雲地入河源渺天連寒日曛那看
北來雁偏向別時聞關樹不開雲更勝
楚雲高不落句

送都玄敬

驅馬別君處秋陰當暮生林柯無靜葉江
雁有歸聲綠水間門道青山建業城未能

同理攝延佇獨念情

幽寂

幽寂耽蓬戶。淒涼懷舊吟。鶯啼非故國。草色亂春心。落日黃雲暮。陰風碧海深。嗷嗷北來雁。二月有歸音。

八日有懷喬白巖侍郎

去年人日題詩處。鄭氏茅堂春可憐。出谷早鶯啼恰恰。映風寒竹倚娟娟。隨鑿並入

青雲上。解珮同歸素雪前。此日寂寥驚旅

食。坐看庭月懶流年。以去年領起以此日作收章法本唐人常

端已憶昔詩

謁文山祠

丞相英靈迥未消。絳帷燈火飈寒風。黃冠日月胡雲斷。碧血山河龍馭遙。花外子規燕市月。水邊精衛浙江潮。祠堂亦有西湖樹。不遣南枝向北朝。後半神到弔信國詩此為第一起句及

三四回
子改本

重贈吳國賓

漢江明月照歸人。萬里秋風一葉身。休把
容衣輕浣濯。此中猶有帝京塵。婉而華視
素衣化為

緇用意
名別

嫦娥自註時外舅胡觀察
謝政家居寄此通慰

月宮秋冷桂團團。歲歲花開只自攀。共在
人間說天上。不知天上憶人間。

迎鑿曲

弓如滿月向江開。箭插寒湖卷浪回。水上
鼉鼉真深避。吾皇元為射蛟來。

顧璘字華玉先世吳縣人徙南京
宏治丙辰進士歷官至南京

刑部
尚書

度楓木嶺

初指山拂天。飛鳥不可度。艱苦躡危磴。即
是我行路。百折頻攀援。十步九回顛。峻嶒

忽在下衣襟帶雲霧倒景猶照人平地
將暮東北望故鄉江流莽傾注長風萬里
來獨立難久端

庚辰元日

諸侯玉帛會長安天子南巡歷壯觀共想
正元趨紫殿朔勞邊將從金鞍滄江飲馬
波先靜黃竹回靈雪未乾北極魏魏天咫

雲長護鳳樓寒應是寧庶人已擒而武宗猶巡遊不返故

有此作

歸自灌陽望湘山口號

十日別湘山見如故人面何況石頭城是

儂舊鄉縣

王守仁

守仁字伯安餘姚人宏治己未進士授兵部主事忤劉瑾

廷杖謫貴州龍場驛丞旋復官歷仕至左僉都御史巡撫南贛平宸濠擢南京兵部尚書封新建伯贈侯謚文成從祀孔廟

登泰山

曉登泰山道。行行入煙霏。陽光散巖壑。秋
容淡相輝。長風吹海色。飄飄送天衣。峰頂
動笙樂。青童兩相依。振衣將往從。凌雲忽
高飛。揮手若相待。長望未能歸。太白

登閔江樓

絕頂樓荒舊有名。高皇曾此駐龍旌。險存
道德虛天慙。守在蠻夷豈石城。山色古今
餘玉氣。江流天地變秋聲。登臨授簡誰能

賦千古新亭一愴情

龍潭夜坐

何處花香入夜清。石林茅屋隔溪聲。幽人
月出每孤往。棲鳥山空時一鳴。草露不辭
芒屨濕。松風偏與葛衣輕。臨流欲寫猗蘭
意。江北江南無限情。

何景明 景明字仲默。信陽人。宏治壬戌進士官至陝西提學副使。

○北地詩以雄渾勝。信陽詩以秀朗勝。同是憲章少陵而所造各異。薛君

采云俊逸終憐何大復。纔豪不解李
空同。任意抑揚。亦為定論。○洪宣以
後詩。數日衰。雖李西涯起而振之。終
未能力挽流俗。向崇李何二家。蚌聲
紫氣。竊據壇坫。流極何所底耶。
兄信口。猶拂音其論。吾不敢取。

塘上行

蒲生寒塘流。日與浮萍儔。風波搖其根。飄
轉似客遊。客遊在萬里。日夕望故州。鴉鳩
鳴歲暮。蟋蟀知涼秋。暑退厭締絡。寒至思
重裘。佳人不與處。圓魂忽已周。房櫳淒淒

玉紈素誰為收。白雲如車蓋。冉冉東北浮。
安得雲中雁。尺帛寄離愁。

種麻篇

種麻冀滿邱。種葵冀滿園。孤生易憔悴。獨
立多憂患。當行思故旅。當食思故歡。先機
失所豫。臨事徒嗟歎。升蕭艾。乃至鈕桂。致
傷蘭。物理有相附。疇能識其端。斷金俟同
志。抱玉難自宣。交結良匪易。君當圖未然。

陳卧十云陳思君子之遺

擣衣

涼風吹閨闥夕露淒錦衾言念無衣客歲暮方寒侵皓腕約長袖雅步飾鳴金寒機裂霜素繁杵叩清礎哀音緣雲發斷響隨風沉顧影惜流月仰盼愁橫參路長魂屢徂夜久力不任君子萬里身賤妾萬里心燈前揮妙匹運思一何深裁以金剪刀縫

以素絲鍼願為合歡帶得傍君衣襟陳卧子云

蕙心門質綺羅如在元美所謂却扇一頰時也

詠懷

寂寂沅湘流長江上有楓青蕙綠廣隰綠蘼被洲中楊舫沂煙沙暝瞻二妃宮二妃何婉孌舉簪振微風解珮遺下女將以明我哀光彩不易合精誠渺難通浮雲蔽江臯白日忽已晚還顧蒼梧原何時翠華返

立春日作

藹藹春候至。天氣和且清。端居撫流化。允
愜靜者情。浮陽起叢壑。流煙散孤城。岸條
發潛穎。園卉含初榮。寫襟曠明霽。覽物紆
遊行。目悅雙飛雉。耳感孤鳴鶯。形運自相
代。神理誰為名。往規與時逝。來慮隨年并。
心存漢陰灌。躬學南陽耕。疏還念知止。莊
論持達生。自非秉昭曠。能不嬰世營。

送崔氏

飄飄山上葛。纍纍田中瓠。苟非同根蒂。纏
綿安得固。人情易反復。結交有新故。嗟哉
夙昔好。垂棄在中路。明珠倘無因。按劍不
我顧。深言匪由衷。白首為所誤。亮君勗恒
德。永副平生慕。

泊雲陽江頭玩月

扁舟泊沙岸。皓月出翠嶺。開窗鑑清輝。照

我孤燭冷高林散疎光遠。潛接繁景從橫。
銀漢迴三五玉繩耿。弦望幾更易客行尚。
殊境佳期。遡山岳端坐令人省。

姜子嶺至三空

出嶺上雲霓入豁下煙嵐。嵐高高不可極。杳
杳詎能探。朱崖秀夏木石壁映寒潭。千林
覽蔥蒨百丈窺澄涵。崩奔谷響起。隱躍川
光含。登陟力不辭。險阻情已諳。潛淵羨垂

綸越巘思停驂。振策岷峨西。揚帆江漢南。
臨深匪忘懼。履坦但懷慚。

青石崖棧

側行青石棧誰能久延佇。斷板連曳雲噴。
泉灑飛雨迅流西。回激峻坂東折屢。隴岸
互傾欹危梁。裊撐拄飲猿駭游鱗立馬接。
翔矚慎爾千金軀。永念垂堂語。信陽五言古有三謝
體有少陵體此連上章乃少陵體也

俠客行

朝入主人門。暮入主人門。必殺主。讐謝主。
恩主人。張燈夜開宴。千金為壽。百金錢。秋
堂露下。月出高。起視甌中。有駿馬。匣中有
寶刀。拔刀躍馬。門前路。投主黃金去。不顧
生氣。空傷音節。亦健勁。

秋江詞

煙渺渺。碧波遠。白鷺啼。翠莎晚。泛綠漪。兼

葭淺。浦風吹帽。寒髮短。美人立。江中流。暮
雨。帆檣江上。舟夕陽。簾櫳江上。樓舟中。采
蓮。紅藕香。樓前。踏翠芳。直。會愁西風起。芙蓉

花。落秋水。江。人如洗。醉下煙波。千
萬里。美。樂。過於。旖旎。詩。格。轉。不。逮。也。一。本
節。去。末。二。語。更有餘韻。

明月篇

僕始讀杜子七言詩。愛其陳事切實。

布訶沈著鄙心竊效之。以為長篇聖於子美矣。既而讀漢魏以來歌詩及唐初四子者之所為而反覆之。則知漢魏固承三百篇之後。流風猶可徵焉。而四子者雖工富麗。去古遠甚。至其音節。徃徃可歌。乃知子美詞固沈著。而調失流轉。雖成一家語。實則歌詩之變體也。夫詩本性情而發者也。

其切而易見者。莫如夫婦之間。是以三百篇者。乎閨睢。六義始乎風。而漢魏作者。義關君臣朋友。辭必托諸夫婦。以宣鬱而達情焉。其肯遠矣。由是言之。子美之詩。博涉世故。而出於夫婦者。常少。致兼雅頌。而風人之義。或缺。此其調或反在四子下。與服日為此篇。意調若髣髴四子。而才質復弱。

思致庸陋故摘詞無紊無復統飭姑

錄之以俟審音者裁割焉此論新

城王阮亭論詩云接迹風人明月篇何即妙悟本從天王揚盧駱當時休

莫逐刀圭誤後賢真不被前人瞞過

長安月離離出海峯遙見層城隱半輪漸

看阿閣銜初照激灑黃金波團樂白玉盤

青天流影披紅蕊白露含輝汎紫蘭紫蘭

紅蕊西風起九衢夾道秋如米錦幌

香霧濃瓊闌斜映輕霞舉霧沉霞落天宇

開萬戶千門月明裏月明皎皎陌東西柏

窠巖堯望不迷侯家臺樹光先滿戚里笙

歌影乍低濯濯芙蓉生玉沼娟娟楊柳覆

金隄鳳凰樓上吹簫女蟋蟀堂前織錦妻

別有深宮閉深院年年歲歲愁相見金屋

螢流長信階綺籠燕人昭陽殿趙女通宵

侍御牀班姬此夕悲團扇秋來明月照金

微榆黃沙白路逶迤征夫塞上行憐影少
婦窗前想畫眉上林鴻雁書中恨北地關
山笛裏悲書中笛裏空相憶幾見盈虧淚
沾臆紅闈貌減落春華玉門腸斷逢秋色
春華秋色遞如流東家怨女上妝樓流蕩
帳卷初安鏡翡翠簾開自上鉤河邊織女
期七夕天上嫦娥奈九秋七夕風濤遠可
渡九秋霜露迴生愁九秋七夕須臾易盛

年一去真堪惜可憐揚彩入羅幃可憐流
素凝瑤席未作當壚賣酒人難邀入坐援
琴客客心對此歎蹉跎烏鵲南飛可奈何
江頭商婦移船待湖上佳人挾瑟歌此時
凭闌垂玉箸此時滅燭歛青蛾玉箸青蛾
苦緘怨緘怨合情不能吐麗色春妍桃李
蹊暉晚媚菖蒲浦與君相思在二八與
君相期在三五空持夜被貼鴛鴦空持暖

玉擎鸚鵡青衫泣掩琵琶絃銀屏忍對箜篌語
篋篋侯再彈月已微穿廊入闥譟斜暉
帝心日遠大刀折極目天涯破鏡飛

易水行

易水波漸離擊筑荆卿歌白衣
路日落登車去不顧秦王殿上
色沮那敢呼手持匕首摘銅
王馬倨吁嗟乎燕丹寡謀當

滅身田光自刎何足云惜哉枉殺樊將軍

三語干古斷案

大梁行

朝登古城口夕藉古城草日落獨見長河
流塵起遙觀大梁道大梁自古號名區富
貴繁華代不殊高樓歌舞三千戶夾道煙
花十二衢合脊輪駟交紫陌鳴鐘暮入王
侯宅紅妝不讓掌中人珠履皆為門下客

片言立賜萬黃金。一笑還酬雙白璧。帶甲
連營殺氣寒。君王推轂將登壇。彎弓自信
成功易。拔劍那知報怨難。已見分符連楚
越。更聞飛檄救邯鄲。一朝運去同衰賤。意
氣雄豪似譙。電揚花飛入侯。羸館草色凄
迷。魏王殿。萬騎千乘空雲屯。綺構朱甍不
復存。夜雨人歸。朱亥里。秋風客散。信陵門。
川原百代重回首。宋寢隋宮亦何有。遊此

時銜內苑花。行人尚折繁臺柳。繁臺下接
古城西。春深桃李自成蹊。忽見東風
起。薄暮飛花滿故隄。

歲晏行

舊歲已晏。新歲逼。山城雪飛北風烈。徭夫
河邊行。且哭。沙寒水冰凍。傷骨長官叫號
吏。馳突府帖連催築。河卒一年徵求不少
緇。貧家賣男富賣田。白金縱有非地產。一

兩已值千銅錢。往時人家有儲粟。今歲人家飯不足。飢鶴翻飛不畏人。老鴉鳴噪日近屋。生男長成聚比鄰。生女落地思嫁人。官家私家各有務。百歲豈止療一身。近聞狐兔亦徵及。列網持矰徧山域。野人知田不知獵。蓬矢桑弓射不得。嗟吁今昔豈異情。昔時新年歌滿城。明朝亦是新年到。比舍東鄰聞哭聲。

隴右行送徐少翁

隴右地。長安西行一千里。秦日長城號塞垣。漢時故郡稱天水。聖朝掃盪無烽煙。射獵之地為桑田。熟羌賣馬嘗入塞。將軍遊騎不出邊。知君風采告遺愛。楊策傳符度關內。父老三秦望節來。犬戎諸夷遮馬拜。開藩分道鎮邊塵。居守巡行歷幾春。熊軾朱幡今岳伯。豸冠白筆舊臺臣。瓦亭之西

半山谷土室陰陰連板屋。落月孤城清渭源。寒雲古磧黃河曲。十年此地曾遊歌。別來風物今如何。竹花秋臨鳥鼠穴。楊葉夕渡魚龍波。回看萬里風雲色。少小趨庭淚沾臆。相送悲吟不盡情。關山隴坂高無極。

津市打魚歌

大船戕戕繫江岸。鮎魚鱖魚鱖救百萬小船。取速不取多。徃來拋網如擲梭。野人無船

住水許。織竹為梁數如筥。夜來水長沒沙背。津市家家有魚賣。江邊酒樓燕估客。割鬢斫鱠不論百。楚姬玉手揮霜刀。雪花錯落金盤高。鄰家思婦清晨起。買得蘭江一雙鯉。篋篋紅尾三尺長。操刀具案不忍傷。呼童放鯉激波去。寄我素書向卽處。

吳儂飛泉畫圖歌

長安獨過田子舍。留我一玩飛泉畫絕壁。

如聞風雨來。晴天安得蛟龍掛。吳生跌宕
得畫理。潦草落筆皆可喜。飛泉却出沓嶂
間。山即真山水。真水客堂六月生。晝寒耳
鬢鬢高江灘源潭窈窕不可測。波浪洶
多奇觀。泉邊二老顏色異。偶坐似是莊
惠萬里誰論到。海心百年詎識臨淵意。
哉。田子今儒宗。文標南指匡廬峰。不須
更周長會觀。瀑布青天上。杉風松日

隔縹緲。雲灑雪灑。何雄壯。我常夢往神空
向。豈無吳生好手筆。為我寫寄廬山障。

胡人獵圖歌

邊沙蕭蕭天北風。高林晝屯鞍馬雄。胡人
裝束身手健。真與此圖形貌同。冬寒獵傍
長城窟。城下平原日將沒。呼鷹放犬無不
為。數騎彎弓競馳突。月高琵琶海西城。拂
廬雪。乾罷餽輕金。鍾虜酒亦易醉。王蹕胡

駟驕不行白髮老胡黃戰裙抽箭仰視天
山雲泉中若認射鵬手漢家誰是李將軍

皇陵

陵闕皇靈閃山河王氣遙萬年龍虎抱每
夜鬼神朝玉盃留天地金燈照寂寥如看
翠華度縹緲在雲霄

足繼行次
昭陵之作

武關

北轉趨劉垠西盤出武關微茫一線路迴

合萬重山天地幾龍戰風雲惟鳥還關門
鎖溪水日夜送潺湲

峽中

自昔偏安地於今息戰侵江穿巫峽隘山
鑿鬼門深濁浪魚龍黑寒天日月陰夜猿
啼不盡淒斷故鄉心

昭烈廟

漂泊依劉計閒閑入蜀身中原無社稷亂

世有君臣。峽路元通楚。岷江不向秦。空山
一祠宇。寂寞翠華春。黃清甫云。匪直
個詞亦存名教。

登樓鳳縣作

近訊中原使。兼登萬里樓。朝廷仍北極。行
在且南州。峽斷風雲隔。江通日月流。如聞
乘八駿。早晚向崑邱。此為武宗
南幸而作。

懷沈子

沈生南國去。別我獨淒然。落月清江樹。歸

人何處船。十年安陸舍。數口太湖田。想到
鄉園日。生涯亦可憐。

答望之

念汝書難達。登樓望欲迷。天寒一雁至。日
暮萬猿啼。餓饒群盜徵。求及寡妻。江湖
更搖落。何處可安棲。

送賈郡博之階州

十載一儒官。西行路復難。羌夷應俎豆。邊

微有衣冠隴坂盤。雲上秦城向斗看。好音懷萬里。早晚報長安。

得王子衡顯榆書

萬里一書劄。逾年憶帝都。窺身天地遠。垂淚海雲孤。柳送燕臺駿。花留漢殿鳧。赤霄終道路。白髮且江湖。

雨夜

院靜聞疎雨。林高納遠風。秋聲連蟋蟀。寒

色上梧桐。短榻孤燈裏。清笳萬井中。天涯未歸客。此夜憶江東。

送曹端卿謫尋甸

逐客滇南郡。雲天此路長。高秋行萬里。落日淚千行。作賦投湘水。題書寄夜郎。殊方氣候異。去矣慎風霜。

關門

虎衛關門迥。龍沙塞曲深。風雲時有氣。日

月書常陰中使西來訊于官北望心天寒
漢官關翠蓋憶春臨

送彭總制之西川

蜀道青天上岷山赤印西九重連投鐵萬
里動征鼙開府松杉靜懸軍玉壘低知公
安蜀計諸葛大名齊

楊用修云
森嚴莊重

安莊道中

處處人家空薜蘿幾年凋弊擾于戈山過

白水峰巒峻路入盤江瘴癘多嶺徼土風
連百粵郊原人語雜諸羅側身西望看銅
柱此地曾經馬伏波

岳陽

楚水滇池經萬里使車重喜過巴邱千家
樹色浮山郭七月濤聲入郡樓存裏亭臺
多舊主域中冠蓋半同遊明朝又下章華
路江月湖煙縮別愁

送雷長史

彤管先朝隨帝子。白頭今日奉王孫。漢庭
亦羨相如美。楚客重看賈傅尊。花下圖書
開玉殿。日高琴瑟在朱門。十年亭閣淮西
宴。鵬斷梁王雪夜樽。可匹空同中
夜悲歌之詠

送衛進士推武昌

少年佐郡楚城居。十郡風流盡不如。此去
且隨彭蠡雁。何須不食武昌魚。仙人樓閣

春雲裏。估客帆檣晚照餘。大別山前漢江

水。畫簾終日對清虛。明秀

送陸舍人使吳下

柳拂清江畫鷁飛。節旄更喜便南歸。迴風
樹裏吹官驛。返照河邊上客衣。北固樓臺
秋寺徧。長洲花草故宮非。登臨莫怪多詞
賦。吳下才人吳陸機。

武昌聞邊報

傳聞曠騎近長安。北伐朝廷已命官。路遠
 居庸烽火暗。城高山海戍樓寒。一時邊將
 當關少。六月王師出塞難。先帝恩深能養
 士。請纓誰為繫樓蘭。

懷寄邊子

汝從元歲侍君王。誰念先朝老奉常。一
 雲霄空悵望。十年岐路各蒼茫。春天縹緲
 金華露晝日。氤氳紫殿香。獨有揚雄尚陪

從白頭抽筆賦長楊。

得獻吉江西書

近得潯陽江上書。遙思李白更愁予。天邊
 魍魎窺人過。日暮鼉鼉傍客居。鼓柁襄江
 應未得。買田陽羨定何如。他年淮水能相
 訪。桐柏山中共結廬。
神来之作不以工拙
 論所謂章法之妙不
 見句法者。信陽謂不
 蕘唐以後詩然買
 田陽羨自屬唐以二
 事可知只是議論之
 高

劉德徵上陵還有贈

仙郎昨日五陵歸。駿馬朝回獨掩扉。已向
西山瞻帝寢。更從北極眺王畿。霜鐘澗壑
流清漢。玉殿松杉映翠微。先帝侍臣零落
盡。秦園宮草日霏霏。

登樓觀閣時王令明叔邀張用昭

段德光王敬夫。康德極四子同遊。
峻閣含風落照孤。憑高千里視平蕪。鳳笙

錦曲春縹緲。瑤草金光晝。有無采藥幾時
尋。碧海種桃無復問。玄都五陵冠劍豪。遊
地猶是長安舊酒徒。

秋興

漢水東馳不楚來。長沙秋望洞庭開。江清
樓閣中流見。日落帆檣萬里回。去國尚思
王粲賦。逢時空惜賈生才。湘南兩度曾遊
地。惆悵煙花暮轉哀。

前歲今皇新御極，鳳銜恩詔出明廷。孤槎
奉使日南國，萬里題詩天畔亭。地入金沙
江浩浩，風連銅柱海冥冥。昆明亦在滇城
裏，池上虛疑織女星。

鮭魚

五月鮭魚已至燕，荔枝盧橘未能先。賜鮮
徧及中璫第，薦熟應開寢廟筵。白日風塵
馳驛騎，炎天水雪護江船。銀鱗細骨堪憐

汝玉筋金盤敢望傳。賜及中璫而寢廟未
薦則波及臣家益無
望矣。中含調論不同尋常賄物
○少陵西蜀櫻桃一種作法

長安

白雪望不盡，高樓空倚闌。中宵鴻雁過來
處，是長安。忠愛

竹枝詞

十二峰頭秋草荒，冷煙寒月過瞿塘。青楓
江上孤舟客，不聽猿聲亦斷腸。

送韓汝慶還關中

華岳雲臺萬里情。高秋落日眺秦城。黃河一線通滄海。身在仙人掌上行。

別桐餞諸友

雙井山邊送客時。滿林風雪倍相思。西行萬里遙回首。太華終南落日遲。只寫景而離情自見

得唐賢三時矣

王廷相

廷相字子衡汝川人宏治壬戌進士歷官至兵部尚書如

太子太保謚肅敏

赭袍將軍謠

萬壽山前播大鼓。赭袍將軍號威武。三邊健兒猛如虎。左提戈右張弩。外廷言之赭袍怒。牙旗閃閃軍門開。紫茸罩甲如雲排。大同來宣府來。即空同內教場歌意

秋日巴中旅行

巴東秋氣早。行客已悽悽。江險深三峽。雲

明詩別裁集卷五
寒暗五溪中原無雁至異國足猿啼况近
烏蠻塞連年尚鼓鼙

登臺

古人不可見還上古時臺九月悲風發三
江候雁來浮雲通百粵寒日隱逢萊逐客
音書斷憑高首重回

初見白髮

日日風塵色勞勞簿領身不知清鏡裏已

作二毛人

宮怨

夜輦昭陽月春筵上苑花不成供奉日枉
自學琵琶

古陵

古陵在蒿下啼鳥在蒿上陵中人_{不聞}行
客自惆悵可當蒿里曲故作
曠達語倍悽惋

明詩別裁集卷五終

明詩別裁集卷六

沈德潛確士

長洲

周準欽萊 同朝

徐禎卿禎卿字昌穀蘇州人宏治乙丑進士官國子博士○由功
 詩大不及家高不及何而半骨超然
 故應是足○朱錫望云人所應有盡
 有人所應無盡無大復是也人所應
 有盡有人所應無不盡無盡無是也
 人所應有不盡有人所應無盡無是
 功先也三人分量自見○箴於齋主
 祖吳下而排斥北地王阮亭以文章
 江左煇月揚州二語為吳體之甲甲

明詩別裁集卷六

者彼此皆屬偏見北地自有異人吳體非必卑卑也

雜詠

夫為虜妻為囚少婦出門走道逢翁軀不
敢收東市街西市街黃符下使者來狗舐

舐雞鳴飛上屋風吹門前草蕭蕭陳子云此紀

正德五年八月之變

留別邊子

我車駕言邁將子城之隅豈無他人親

德心自知握手一為歎忽忽從此辭驅車

何迢迢迢迢復遲遲匪我車輪遲行子有

所思登高望河水河水何瀾瀾寒裳欲涉

之俛首以踟躕孤楊生河干孑孑何參差

民生失儔匹惻爾令心悲寒裳欲涉下忽

法章

寄華玉

去歲君為薊門客燕山雪暗秦雲白馬上

相逢脫紫貂，朝回沽酒城南陌。燕山此日
雪紛紛，祇見秦雲不見君。胡天白雁南飛
盡，千里相思那得聞。

送士選侍御

壯士樂長征，門前邊馬鳴。春風三月柳，吹
暗入同城。蘆溝橋下東流水，故人一尊情
未已。胡天飛盡隴頭雲，惟見居庸暮。山紫
羨君鞍馬速，流星子亦孤帆。一洞庭塞北

荆南心萬里，佩刀長揖向都亭。

青門歌送吳郎

吳郎醉嗜長安酒，落魄自言為客久。走馬
頻看上苑花，回鞭幾折青門柳。青門瞳瞳
魚鑰開，乳燕遊絲相逐來。柳下雕鞍留別
袂，花間酒盞覆蒼苔。浮雲去去辭城闕，芳
草連天那可歇。野店春風聽早鶯，關河曉
樹懸新月。千里淮流雙畫橈，廣陵驛前逢

暮潮落日帆歸揚子渡青山家對伯通橋
吾家流水元非隔宛轉胥臺通巷陌草長
難尋仲蔚居林深不辨陶潛宅清溪屋下
可垂綸復有葦蕖足獻親君歸倘食水絲
鱸爲念羈樓塞北人

從吳學士姪奎觀模米襄陽山水

圖并學士題識

肯上黃鶴樓西望襄陽隄襄陽草樹淡於

染清猿落日令人迷歸來復見襄陽畫銀
海珠源恍餘派楚山沉沉煙霧高淋漓七
澤翻波濤漁舟買舶入點綴竹林楓樹懸
江阜白雲縹緲蒼梧遙旖如湘君垂素旒
我欲乘雲向空舉拄杖呼雲雲不起山中
薜蘿不可親悵望伊人隔秋水延陵學士
襄陽倚對此踟躕搔白頭碧山心期竟已
矣回首歲月成荒邱猶有篇章未磨滅教

人空憶舊風流

古意

空為郢中客。不見郢中吟。美人高堂上。自
奏山水音。帝子壘何處。瀟湘雲正深。寂寥
誰共賞。江上獨傷心。

彭蠡

茫茫彭蠡口。隱隱鄱陽岑。地湧三辰動。江
連九派深。揚舫武昌客。興發豫章吟。不見

垂論叟。煙波空我心。

在武昌作

洞庭葉未下。瀟湘秋欲生。高齋今夜雨。獨
卧武昌城。重以桑梓念。淒其江漢情。不知
天外雁。何事樂長征。李舒章云。八句竟不
襄陽道法純。以氣格勝人。

長陵西望秦陵

昔送官車出。長悲西雍門。今來寒食節。獨

望霸陵園杳杳仙城閉萋萋封樹繁當時
侍從容慟哭幾人存隔句對泯然無痕忠
愛之意溢於言表

送范靜之遷威州

吾憐范巨卿相悞不邀名作吏竹林下清
風訟獄平與君同得罪獨竄夜即城萬里
巴江水相思猿狖鳴

酬邊太常於燕山見憶之作

故人惠思我百里寄瑤音獨在山中宿松

齋清道心霜鐘流夜壑曲澗入幽琴寂寞
悲千古橋陵梓椽深

送友人還吳

陽月隨陽鳥過從塞上來北人江北望不
見隴頭梅坐下楊朱淚吟為莊舄哀聊傳
數行札千里送君回

月

故園今夜月迢遞向人明只自懸清漢那

知隔鳳城氣兼風露發光暈曙烏鷺何事
江山外能催白髮生

送盛斯徵赴長沙

昔愁越雋于峰仄轉入巴渝萬里賒豈料
聖恩憐賈誼猶煩佐郡出長沙蠻中瘴遠
三湘水江畔春逢十月花遥聽岳陽樓上
笛可能回首憶京華送人每以忠愛勉
之此立言之體

送耿晦之守湖州

遠下吳江向雪川高秋風物倍澄鮮鷓鴣
菰葉翠相亂錦石遊鱗情可憐郵渚頻聞
津吏鼓漁歌唱近使君船吳興峴山足勝
事漢水襄陽空昔賢不點湖州故實而山
水清遠宛然在目高
李迪疎柳一旗江上酒亂山孤棹道中
詩自是佳句然不必定是湖州詩也

贈別獻吉

爾放金雞別帝鄉何如李白在潯陽日暮
經過燕趙客解裘同醉酒壚旁徘徊桂樹

涼颺發仰視明河秋夜長此去梁園逢雨
雪知予遇度赤城梁

古宮詞

興慶池頭漏未闌梨園子弟曲將殘花前
更奏涼州伎無那西宮月色寒

春思

渺渺春江空落暝行人相顧欲霑衣楚王
宮外千條柳不遣飛花送客歸

濟上作

兩年為客逢秋節千里孤舟濟水旁忽見
黃花倍惆悵故園明日又重陽語不必深
而情深唐
人自分
如此

安南歌送沈使君

借問炎交路若何片帆南指廣州過知君
怕見枕柳樹近嶺猿聲已漸多
烏蠻灘上煙水聲伏波廟前秋月明夜半

津人挽舟上夷歌偏動望鄉情。

送蕭若愚

送君南下巴渝深。予亦迢迢湘水心。前路不知何地別。千山萬壑暮猿吟。與何大復太華然南之篇可云雙美

殷雲霄

雲霄字近夫壽張人宏治乙丑進士官南吏科給事中

春望

二月澄江春水深。北孤山頭雲陰陰。北孤

山頭雲作雨。我欲渡江愁我心。

孟

洋

洋字望之信陽人宏治乙丑進士官至南京大理寺卿

煙

湘流落日外。沙迥暮生煙。杳杳千峰失。霏霏萬壑連。鷓鴣翻知浦。樹人語辨江。船暗裏猿聲起。愁深夜不眠。

王

肅

肅字欽胤上元人宏治乙丑進士官至大僕少卿

閔試春陰詩

月詩州試集

皇都三月春正深，東風釀暖淑氣侵。曙光
 溟濛露華滿，輕雲閣日天沉沉。野色垂垂
 十餘里，草綠柔茵低迤邐。半空落絮濕未
 揚，百丈游絲寒不起。鴉鳩枝上相踏鳴，若
 與此景偏多情。空庭簾捲書亦暝，隔牆惟
 見桃花明。小院門閉鶯自語，畫棟泥香燕
 初乳。苔花蒼潤上簾櫳，濛濛經雨還未雨。
 今情佇立憑闌干，遠峰漠漠登樓看。碧窻

窈窕銀屏冷，金帳促回翠袖單。簷影頻移
 暝雲動，曲枕悠然醒午夢。起來小立傍閑
 階，花霧襲衣寒氣重。
末二語李西涯批
 其米云如有神助

柳枝詞

渭水西來萬里遙，行人歸去水迢迢。垂楊
 不繫離情住，只送飛花過渭橋。

鄭善夫

善夫字繼之，閩縣人。宏治乙丑進士，除禮部主事，以諫南

巡杖闕下，尋乞歸。用薦南京刑部郎中。改吏部，少谷以杜為師，然過於

負直去風
雅或迷

初離京邑留別諸同志

驅車遵城闈振策率廣路仰盼孤雲征俯
見波流沂感念平生歡豈以杯酒故羣居
不自察相失增怨慕川河引舟楫陵陸曠
煙霧重覩難可尋努力敷襟素

送韋侍御從仁使蜀

驄馬今何去玄冥歲已殘風雲行劔閣無

鼓動松潘事在西戎部功虧舊將壇懷柔
亦邊略要識聖恩寬

秋夜

七月欲盡天氣清殘月未上江猶明流螢
渡水不一點玄蟬咽秋無數聲獨客尚未
送貧賤四方况是多甲兵立罷西風夜無
寐吳歛嫋嫋感人情類唐似杜

權歌

青螺江頭遊子吟。黃金臺上秋雲深。風塵
一別一萬里。美人駕車傷我心。

孫一元曰。一元字太初。不知何許人。或
人嘗西入華南。入衡東登
岱。又南入吳。終於吳興。

訪樵者

遠尋山中樵。不識山中路。隔林伐木聲。遙
憶林深處。不晤竟空歸。日墮西陵樹。

晚霽

晚來雨初霽。煙火隔林微。一徑牛羊入。孤
村桑柘稀。長天下。遠水積霧帶巖扉。月黑
聞人語。溪南種樹歸。

韓邦靖。邦靖字汝慶。胡邑人。正德戊
辰進士。除工部員外。以直言
繫錦衣獄。奪官。後
起山西左叅政。

關中

不得秦中信。今傳關內兵。饑荒失撫御。盜
賊遂縱橫。渭北何由定。商南豈可行。不知

今日將誰是漢長城

張

含

含字愈光永昌人正德丁卯中雲南鄉試

巳亥秋月寄楊升庵

金馬秋風十載餘芙蓉深巷閉門居登樓
莫作依劉賦奉使曾傳諭蜀書卧病可憐
天一柱獨醒無奈楚三閭比來消息風塵
斷白首滄江學釣魚

胡纘宗

纘宗字孝思華昌人正德戊辰進士歷官至右副都御史

乘輿幸楚纘宗作詩紀事
為人告訐下獄尋放歸

登天柱閣

與客上江樓橫江山欲浮雲當天柱出月
傍小孤流帆外收吳楚尊前落斗牛瀟漫
忽千里倚檻思悠悠

戴

冠

冠字仲鵬信陽人正德戊辰進士授戶部主事以建言聚

廣東烏石驛丞起官
終山東提學副使

立春日舟中題

作客尚無地。他鄉空復春。舟中兒女大。天未歲時新。樂事喧殊俗。羈愁滯遠人。椒盤懷故里。腸斷白頭親。

駱用卿

用卿字原忠。餘姚人。正德戊辰進士官兵部員外郎。

題韓信廟

逐鹿中原漢力微。登壇頓覺楚軍威。足當躡後猶分士。心已猜時尚解衣。畢竟封侯符蒯徹。幾曾握手到陳豨。英魂漫灑荒山

波秋草長陵久落暉

李獻吉云此題淮陰廟絕唱也。二四極

寫漢高詭詐而淮陰之克自在言下過之耳

楊慎

慎字用修新都人正德辛未

議大禮。升庵以高明仇爽之才宏博。絕麗之學隨題賦形。一空依傍。于李何諸子外拔哉。自成。一隊五言非其所長。以過於穠麗失。穆如清風之旨也。

宿金沙江

往年曾向嘉陵宿。驛樓東畔闌干曲。江聲

徹夜攪離愁。月色中天照幽獨。豈意飄零瘴海頭。嘉陵回首轉悠悠。江聲月色那堪說。腸斷金沙萬里樓。

三岔驛

三岔驛。十字路北去南來幾朝暮。朝見揚揚擁蓋來。暮看寂寂回車去。今古消沉名利中。短亭流水長亭樹。

錦津舟中對酒別劉善充

錦江煙水星橋渡。惜別愁攀江上樹。青青楊柳故鄉遙。渺渺征人大荒去。蕪武句奴十。九年誰傳書札上。林邊北風胡馬南枝鳥。腸斷當筵蜀國絃。五言近體有江花與江草異國看春生句

詞一
悽惋

賦得千山紅樹圖送楊茂之

蕭郎雅工金碧畫。愛畫碧雉與金馬。畫作千山紅樹圖。行色秋光雨瀟灑。搖落深知

宋玉悲登山臨水送將歸丹林初曉清霜
 重紫谷斜陽赤燒微故人辭我故鄉去
 樹遙遙接巴樹桑落他山共醉時楓香客
 路消魂處白首還荒老未還流波落木
 離顏錦城紅樹那能見千里隨君夢裏攀
 才人遠竄千古恨事讀
 數詩令人百端交集

垂楊篇

靈和殿前艷陽時忘憂館裏光風吹千門

萬戶旌旗色九陌三條雨露滋蒼涼苑日
 籠燕句縹緲宮雲覆京縣芳樹重重歸院
 迷飄花點點臨池見臨池歸院總仙曹應
 制分題競彩毫詔乘西第將軍馬詩奪東
 方學士袍金明綠暗留煙霧舊燕新鶯換
 朝暮只知眉黛為君顰肯信腰肢有人妒
 從此沉淪萬里身可憐憔悴幾經春支離
 散木甘時棄攀折荒亭委路塵遙落秋空

上林遠婆娑，生意年華晚。腸斷關山明月樓，一聲橫笛清霜坂。

送余學官歸羅江

豆子。山打瓦鼓。陽平。關撒白雨。白雨下。娶龍女。織得絹二丈。五一半屬羅江。一半屬玄武。我誦綿州歌。思卿心獨苦。送君歸羅江浦。全用綿州歌後只絹四語送行另是一格

塞垣鷓鴣詞

秦時明月玉弓懸，漢塞黃河錦帶連。都護羽書飛瀚海，單于獵火照甘泉。鶯閨燕閣年三五，馬邑龍堆路十千。誰起東山安石臥，為君談笑靖烽煙。

送彭幸庵尚書致仕

憶昔西征歌采薇，雪山萬里駐駝騾。總戎全蜀風雲陣，紀績成周日月旂。諸葛蔓菁遺壁壘，陶潛松菊舊柴扉。前賢出處真相

明詩集卷六
似雅志如公兩不違。

春興

最高樓土俯晴川，萬里登臨絕塞邊。
碣石東浮三絳色，秀峰西合點蒼煙。
天涯遊子懸雙淚，海畔孤臣謫九年。
虛擗短衣隨李廣，漢家無事勒燕然。
義勇之氣至欲記之從軍讀者可以悲其志矣
天上風雲此際多，山中日月竟如何。
爭傳

鳴鳳巢阿閣，又見飛鴻出罽羅。
宣室鬼神思賈誼，中原將帥用廉頗。
難教遲暮從招隱，擬把生涯學醉歌。

柳

垂楊垂柳管芳年，飛絮飛花媚遠天。
金距關雞寒食後，玉蛾翻雪暖風前。
別離江上還河上，拋擲橋邊與路邊。
遊子魂消青塞月，美人腸斷翠橫煙。
格六朝格八句皆對又體中之變者杜老

風急天高一章共開先也

懷歸

星橋南望沉犀渚，雪嶺西連抱珥河。關塞沙茫魂夢隔，山川迢遞別離多。汀洲春雨寒芳杜，茅屋秋風帶女蘿。心事未從詹尹卜，生涯聊聽楚童歌。

武侯廟

劍江春水綠泔泔，五大原頭日又曛。舊業

未能歸後主，大星先已落前軍。南陽祠宇

空秋草，西蜀關山隔暮雲。正統不慙傳萬

古，莫將成敗論三分。古來武侯廟詩以此

一不合也或云此升庵錄元人作

涪江泛舟

明月沉江露，秋風起白雲。蘭橈乘溜急，木葉下江聞。爽籟金懸奏，遙峰翠積氛。碧潭留雁影，錦浦散虹文。旅望隨天豁，幽阿與

歲分登臨知自好。寂寞共誰云。

江陵舟中贈田李二子

落月寒沙夜未分。玉簫金管醉中聞。明朝回首。沉江路。愁聽清猿。和白雲。

常

倫字明卿。水人。正德辛未進士。除大理評事。

望山有懷故人

羈步局重城。流觀狹四野。高高見西山。鄉愁冀傾寫。天際望不極。延佇一瀟灑。落葉

歸故根。山雲滿椒櫝。無情尚有適。何以慰

離者。

過韓信嶺

漢代推靈武。將軍第一人。禍奇緣躡足。功大不容身。帶礪山河在。丹青祠廟新。長陵一杯土。寂寞亦三秦。

周

在字善卿。太倉州人。正德甲戌進士官。至浙江右參政。

閨怨

江南二月試羅衣，春盡燕山雪尚飛。應是子規啼不到，故鄉雖好不思歸。
不答征人，不返而歸。怨於子規，寄情一何微婉。

薛

蕙

蕙字君采，亳州人。正德甲戌進士，官吏部員外郎。以議大

禮下獄，尋復職。未幾罷歸。西原詩力追雅音，故不落凡近語。覽者勿以才情求之。

效阮公詠懷

飄風振玄幕，若木零朱華。六龍匿西山，濛

汜揚頽淡，翩翩市中子。於心太回，表不見顛頽色。但聞慷慨歌，卑辱誠未遠。禍亂豈在多。人人各懷私，安能顧其他。已矣勿重陳，嗟予可奈何。
守身頃微語，可作箴銘。

雜詩

璧賈罪端靈均既見放，韓非亦自殘奉身。失所從，慷慨使我歎。

富貴使心惑嗜欲致行妨宴安損性靈美
 疾生膏盲吾觀古來士高躅互相望首路
 或暫同中道何蒼黃班生廟前烈馬融過
 遠方藉梁奄為累附寶終自戕通人識尚
 爾咄咄可悲傷文人未路汗行戕生皆當
 貴之念中之也非國馬融
 朗然前鑒猶有借
 學術以附權門者

贈孟望之

踟躕郊野外白口匿西山行人去有期安

得久周旋請為遊子吟與子結纏綿憂來
 動人心惻愴不能言言念平生友意氣非
 徒然行役不足辭貧賤非所憐君其篤明
 信慰我心悵悵。

月夜坐憶

明月三五時流光千里外虛館風冷冷寒
 墀霜露露不見南樓客徒憶西園蓋歡酒
 無盈觴憂襟有餘帶沉吟靜夜思緬邈佳

人會

答王允升省中對雨見憶之作

康樂愁霖唱，平原苦雨詩。故人歌此曲，贈我慰相思。薜荔垂青閣，芙蓉泛綠池。今朝一尊酒，最恨不同持。

昭王臺

燕昭無故國，薊野有空臺。寂寞黃金氣，淒涼滄海隈。儒生終報主，亂世始憐才。回首

征塗上，年年此地來。

亂世始憐才，是今急而求子，在脚。

草堂

蕭蕭寒雨對高秋，寂寂空牀擁敝裘。歸去釣天頻有夢，挽回滄海獨無謀。平生頗詫任公子，末路方思馬少游。珍重故人招隱意，草堂南郭可淹留。

孫氏沱西別業

巴陵西來沱水深，水邊樓閣長陰陰。鼉

明詩別裁集卷六

夜出洞庭岸，虎豹晝啼雲。夢林鼓柁乍逢
漁父笑，舉舟時聽越人吟。卜居何日從公
去，擬向桃花處處尋。

送楊石齋

社稷功成後，山林避寵年。遭逢誰可竝，出
處獨趨然。反側當前日，經綸邁昔賢。殷憂
興聖主，至治格皇天。凶豎同摧朽，蒼生盡
解懸。廟謨隨指顧，臣節見周旋。智勇千夫

敵，勳勞百辟先。賞仍虛裂土，名已重凌煙。
握軍慚周勃，揮金緬魯連。急流嫌盛滿，介
石慕貞堅。許國心恒切，還鄉興偶牽。留侯
初相漢，樂毅免辭燕。異渥絲綸數，高風進
退全。草停黃閣詔，花簇錦江船。水檻星橋
側，茅堂雪嶺邊。雲霞深綠野，卉木富平泉。
事業存鐘鼎，儀型照簡編。累朝瞻翊戴，四
海憶陶甄。白首歸休記，青春送別筵。衣冠

望行色端不異登仙。

送周子賢按貴州

萬里牂牁路。炎州百粵南。懸梯穿鳥道。流沫下龍潭。赤坂鼉鼉出。玄崖日月含。虹霓蒸海氣。煙霧灑春嵐。飛獼緣篁竹。毒猿墮石楠。橘花香細細。藤刺綠毵毵。嶺外青驄馭。臺中白筆簪。秦冠高鐵柱。漢節照金函。行邁應多暇。登臨素所耽。江山吟謝客。物

色助清談。送遠多無緒。憂時且不堪。安危廷諍地。遲子足朝參。

許宗魯 宗魯字伯誠咸寧人正德丁丑進士官至副都御史巡撫遼東

東岳

秩祀嚴東土。明禋冠五宗。金函神鬼錄。玉簡帝王封。海湧中宵日。巖留上古松。何當凌巖莫。飛舉跨蒼龍。

遠左雪中登樓

歲杪崇朝雪。天涯絕塞城。凍雲連海色。枯木助風聲。懷土情無已。登樓賦未成。梅花南國思。笛裏暮愁生。

登齊山樓

近郭危樓俯碧湍。倦遊孤客倚朱闌。淮淝山色尊前出。吳楚江流畫裏看。旅思逢秋增短髮。鄉心隨雁過長安。黃花白酒登高

日。玉笛金笳起暮寒。對結體每防收束不住此故別於中間對

班婕妤好

妾命由來薄。君恩豈異同。自憐團扇冷。不敢怨秋風。

王廷陳 廷陳字雅欽黃岡人正德丁丑進士授吏科給事中諫南

巡謫裕州知州尋下獄免歸

矯志篇

蛟龍雖困不資凡魚。鸞鷲雖孤不匹鴛鴦。雖有香草當戶必除。雖有仁人在敵必誅。狐白雖美炎暑必置。舟車之用易地則棄。蘭蕙不采無異蓬蒿。干將不試世比鉛刀。以驥捕鼠曾不如狸。餓夫獲璧不如得糜。郭生純臣魯連高士。彼乃登臺。此乃蹈海。寧直見伐無為曲。全寧渴而死。不飲盜泉。

詠懷

民食美芻豢。鷓鴣甘臭陳。西子豈不都。魚鳥不見親。萬類殊所嗜。物豈慕非倫。箕畢各有好。况此世上群。情欲孰為正。參差何可均。黠智任自然。悠悠葆天真。

問箏

花月可憐春。房櫳映玉人。思繁織指亂。愁劇翠蛾顰。授色歌頻變。留賓態轉新。曲終仍自叙。家世本西秦。

彷彿十五嫁
王昌之作

款

英

英字子發清江人正德辛巳進士官至河南右布政使

塞上曲

無定河邊水。寒聲走白沙。受降城上月。暮色隱悲笳。玉帳旄頭落。金微雁陣斜。幾時征戰息。壯士盡還家。

輞川謁王右丞祠

蜀棧青騾不可攀。孤臣無計出秦關。華清風雨蕭蕭夜。愁絕江南庾子山。為右丞辨冤語極含

蔡

羽

羽字九遠吳縣人國子生授南翰林院孔目

思田園

南方樹藝早。嘉蔬當及時。王宮繁水罷。忽起田園思。東郊織臺笠。西郭編茅茨。田家不辛苦。衣食更待誰。曳裾京華塵。徒自墮四支。三江綠煙起。何時倚杖藜。

曉起

竹色衣金線。林光露未晞。隴猿催夢曉。寒月隨煙微。別恨琴中語。流年暗裏歸。悠悠花上蝶。故故作雙飛。

文徵明

徵明初名璧以字行更字徵

仲長洲人以歲貢入京用薦授翰林院待詔卒私謚貞憲待詔嘗有句云湖上修眉遠山色風前薄面小桃花亦廣平之賦梅花也

新秋

江城秋色淨堪憐。翠柳鳴蜩鎖斷煙。南國

新涼歌白苧。西湖夜雨落紅蓮。美人寒望夕陽多。在小樓前。

滄浪池上

楊柳陰陰十畝塘。昔人曾此詠滄浪。春風依舊吹芳杜。陳迹無多半夕陽。積雨經時荒渚斷。跳魚一聚晚風涼。渺然詩思江湖近。更欲相攜上野航。

王

寵

寵字履吉吳縣人貢入太學
時吳中詩格以貢士為最七言律亦
頗沉鬱或者必以摹古知之何也

且發胥口經湖中瞻眺

羸孺委菹藪地險隘山川渾沌自太古
泮泮開吳天仰飲延池津俯灌東南偏
麗宮鳩瑰麗鮫室閔幽玄孕化晨陽吐
涵虛宵象懸洪流既澎湃列嶂亦迴延
靈標海上闕石秀鏡中蓮開冬蒼肅氣
落木浩無邊

黃鶴展奇翼八表恣周旋倘遇浮邱公
欵造蓬萊巔

風有邱壑尚緬懷鸞鶴蹤揚帆忽天矯
赤水駘虬龍五湖寫杯掌三州盪雲胸
金屏匝地軸玉鏡開天容丹邱駐日月
瑤草連春冬絳氣恣縈薄青霞何復重
仙人蛻化處千載空芙蓉靈境指顧間
行當往追從

極意造句擬
之優金錯采

八消夏灣

千山。既回轉。雙闕開。嶙峋圖。作玉鏡潭流。
水。桃花春。雞犬自甲子。衣冠乃秦民。表裏
重湖阻。丹青四望勻。孤峰表日觀。群嶂摩
天根。波光別駘宕。霞采相鮮新。疑觴王母
池。誤攀織女津。海鷗戲闌薄。游鯨望心神。
牙樁悲昔幸。玉輦罷今巡。榮華無常境。山
水有天真。塵嬰聊以濯。慚爾權歌人。

送錢太常元抑祠祭顯陵

江漢朝百靈。絳節集鄠郢。興國奠其陽。虹
蜺熠光景。象設開天庭。環衛森五嶺。齋房
產金芝。玉醴出金井。神游駕虛無。劍舄存
遺影。灑掃祠官虔。七鬯皇情耿。太常典秩
宗。精白一心秉。龍顏授玉冊。殿上親祇領。
元端佩衝牙。陟降瑤壇靜。風清靈旗翻。天
赤御氣罔。山河扶棟梁。虎旅肅藩屏。還躬

告成命。弭節指俄頃。備聞古夔龍。密勿金華省。彷彿宏治風。廷論多骨鯁。我輩飽藜藿。散髮從箕穎。肅肅穆穆得漢郊祠歌一體

南都

錦纜牙檣萬里遊。天吳海若翼王舟。襄城七聖空迷轍。弱水三山未穩流。邊塞風雲連朔漠。重臣節鉞自公侯。兩京角立分形勢。居重還須控九州。前徽時聞江彬輩節哉自擅而帝遊幸無

度失居重臣節之勢蓋奔而怒然夏之此詩史也

秋懷

鳳管龍簫清且悲。南徐北固自逶迤。海門直指聯三象。日馭巡行逼九疑。入計衣冠輕璽綬。防秋兵馬偃旌旗。長卿諫獵無消息。悵望江湖有所思。亦或宗幸京口時作

金

鑾字在衛隴西人寓居金陵

泊淮上

愁輕遊冶興，老重別離情。
野戍寒更盡，河橋春水生。
斷雲疎雁影，殘月亂雞聲。
明發應千里，蕭蕭過楚城。

除夕

還憶去年辭白下，却憐今夕在黃州。
空江積雪添雙鬢，細雨疎燈共一樓。
世難久拚魚雁絕，家貧常為稻梁謀。
歸來故舊多凋喪，愁對東風感舊遊。

終

